

22 iteg. tepg. getoi noeleoimgeg, tli-sip ntotanag patllas natji alamesiges elmege, 18 tesipenig gemnieoltipenig, ag elp esgitpog nipi alasotmamgeg nemitoeg alames ag maol oli moloate-meg tan telgig tell olalnametj Nis-gam mitjoatjitj. Ag elt ninen elnoieg cell oli maol osgeoleleg na nagoeg tella na tapogol epatalotil ntotanag, gato msset na eli maoleleg, tjel nsagmam-linen maolo oesoatog oelitasing ngotel etog gisgog meta api miaolagoataig Gapielal Glöteg, ag olgmatjel til na lög gisigolago gesi gsinogoap tpog, tjel mögoe gistell oesgeoledeeg sagmaoigtog, golaman lög oelitasoltieg nemigetj all sesagitpit esgitpog nipi alasotmamg.

Et gisgog (26) neo agentieolmg sag-mao epegoltneotj pegisingep mögoe hilm pegitji mitog palinametag, lög mes-göltieg tell nenageg, meta gesalget na gisig, ngotel etog atel pögtagasiteg notemalegag galnaoigig eli pogasitag, gesol notemalegag Norwood, Mass. Ma etog oantasoatemog pagoltipangeg oetji apitatasig amaltjgoetjoiimgitog ngotel etog abel.

Ag elt na nagoeg Gapiel Tjelmi ogoltja nepenka Petsiög 87 telotjegag, etlagatg Aylesford. Nesesitjig tjine-mog ag neotetjitj epites naglotjig.

Piel Tjelmi Rock Port, Mass., ellöm-emit ag eta gteg epitesag telolsitag Losall Tjelmi mögoe getjiamag olein gisna onepena etli malleolt pastonge-ongig menag notemameg gis metlas-luongeg tjel tapo,—49 tesiponasög; olgmatjel telolsiltjel James Davis.

Malget Lami gegnotemast onotji oigigen. Ellen Toney piseogsis, Noel Paleg ponalata Elig Miosöa Pettgrew Settlement, Na telag. Nin S. P. N.

PILEI LNO SAGMAO

Sgnoöptitjig gisi gspotoet osagma-oin lno maolimgitog Piel P. Sag. Ag oegla elgitgel oisonoal tanig geoi mrenemotititjel solnaltjitj neotipongeg macaolag.

(LNOIGTOG)	(AGLASEOIGTOG)
Misel Tömnig	Mitchell Domnick
Noel Tatam	Noel Dedam
Piel Sol	Peter Sewel
Piel Gänis	Peter Gänish
Noel Tömnig	Noel Domnick
Sain Pelnal	Charles Bernard
Pöl Tele	Paul Taylor
Piel Pelnal	Peter Bernard
Piel Paltapög	Peter Bartibogue
Legsi Maltn	Alex. Mantin
Ollham Tanas.	William Tenoso
Loi Maltn	Louis Martin
Pansoa Pitel	Frank Peter
Piel P. Sag	Chief Peter Sock
Elia Egen misal tan gis apangitg.	

Kata gtagig me menag.

Sgenoöpetitjgeoi agnotemagemtjitj—pon. 1 09—oetjategemg nipi alasotma-mgeg. Notjinen patllas möga etli al-asotmagog lnoel alasotmögoöma, etli alamesiget oentjioigtog. Gato naol pigoelgepenag lnoag eli tögögaga ne-gela tepigigega, alt tesipoöhtitjig ag alt ogoatoltitjig, ag tög oelgömgel ogoam-lamonoal. Maltjeoetjig tjinemtjitjiga gesatemitkij tan totjio eli tögtemotititja möga natjatjoltlog negemöo gesgem-i-tatjig, gtegeg gipögötatjig, tell pegitji arasotmamg gisi gakatpag slet atjietj na petjitatjig apatjio olgoaga, ag na soel msset gisi gemnieoltitjig. Ag patllas pegising oapg na etli alamesiget elnoel el alasotmögoöma, ag eli pestong tan cell olgoltjaletj lno onktjanga, tan tell petjitatjig tan tet etli nipi alas-otmatja; ag moloatemoatj onitjame; tan tell gsantja. Nin Aitj.

MIAPOGEG Nigola Gletöl eli salite-ocgag; pilei alasotmögoöma; etog nup-ang sapisiteo listogotjg.

PILEI NOTJI TPIGET

Sagmao Irving telolsit gtipogtosg etlagatg nigetj msset lno migmaga an-goeloatji noplosoig.

MAOI MTOEGES GIOGOG

Papeoagig tetli igageg getjigao, oetji nepagoltipenig piamio 200,000 mimatj-oinig; tesig gtjiganigtog ag otanigtog elnislagsepenel oentjigömmel, pitol m-telnaganisenig tetli ögönipgoalosengig, epetogsisenig gagalsogonag, tög pig-oeigenig mo gis apögönemoamegse-penig. Tanig gisi ogetio-penig tell oegoatasoltipenig, tjel soel gesgag gonotjioöo; nemosenig tjine-mog, epitjig, mitjoatjig alitassenig agetignamitlis, neogtonemigsitis nigto-altitieg mpoaganigtog, mo netagup-soltitlog; pipanimosenig pa sig gisi gegoapitasenig, opegigol soel getmet-egel oesami sagpigoniatieg ag met-öögsooltitieg. Ponanoimgeoi tepg-enoset sitag tli-sip 14,000 mpoinog oag-eoal gis oelgaltasigsepenel ag Mesneq otgotasigsepenel. Tet oetgitasigsepe-neg ag msset tamli solmeoi ag tan pa sig apögönematingeoi; eolitelman-etj tög elp gino eolotjoltitjig. Maco-tagan pmiateo opogtjig listogotjg, na-digitgonletjig ag etog piloei tamli otjli negemöoa.

Nat oen teloes: Me pigoelgig epitjig tegöttemotitjig mo ngotel, tjinemög. Etog tjel. Eln tepotog me pigoelgig tjinemög haploseng pilsoltitjig mo ngö-del epitjig.